

Kalaallit Nunaanni sulisilluni avatangiisinik ilinniartitaanerit tamanit peqataaffigisassat pillugit nalunaarut

Sullivinnik Nakkutilliisoqarfiup nalunaarutaa nr. 800, 14. juni 2023-meersoq

Kalaallit Nunaanni sullivinnik avatangiisit pillugit inatsimmi § 9 imm. 2, § 9 a, imm. 2, § 56, § 57, imm. 1, aamma § 57 a malillugit, tak. inatsimmik nalunaarut 1048, 26. oktober 2005-imeersoq, inatsisikkut nr. 1382, 23. december 2012-imeersukut aamma inatsisikkut nr. 724, 13. juni 2023-meersukut allangortinneqartumi, piginnaatitsisoqareernikkut aalajangersarneqarput:

Kapitali 1 – Pineqartut

§ 1. Sullivinni avatangiisit pillugit ilinniartitaanerni pineqarput:

- 1) sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortat ilinniartitaanerat, aamma
- 2) illuliortiternermi sanaartormilu sulisorisat isumannaatsuunissaannik peqqissuunissaannillu sulianut ataqatigiissaarisut ilinniartitaanerat.

Kapitali 2 – Sullivinni avatangiisit pillugit ilinniartitaanernik tamanit peqataaffigisassanik neqerooruteqartartut

§ 2. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartinneqarnissaannik, Sullivinnik Nakkutilliisoqarfik neqerooruteqartarpoq.

§ 3. Illuliortiternermi sanaartormilu sulisorisat isumannaatsuunissaannik peqqissuunissaannillu sulianut ataqatigiissaarisut sullivinni avatangiisit pillugit ilinniartitaaneq pillugu nalunaarummi matumani kap. 5 malillugu ilinniartitsinissamik Sullivinnik Nakkutilliisoqarfimmit akuerisaasut neqerooruteqarsinnaapput.

Kapitali 3 – Siunertaq imarisaalu

Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartitaanerat

§ 4. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartinneqarneranni siunertarineqarpoq pinaveersaartitsinermik suliaqarnerup nukittorsarneqarnissaa, sullivinnilu avatangiisit pillugit peqatigiiffiup sulinerata sunniuteqarnerulersinnissaa. Isumannaatsuunissap peqqissuunissallu suliaassartaat

isumagisinnaaqullugit periaatsinik sullivinnilu avatangiisit pillugit ilisimasassanik pisarialinnik sullivinni avatangiisit pillugit sinniisuutitat aamma sulisunik siulersuisut ilisimasaqalernissaat qulakkiissallugu. Aaqqissuussamik periaaseqarnikkut sullivinni avatangiisit pillugit suleqatigiilernissamut ilinniartitaaneq sunniuteqaqataassaaq.

§ 5. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartinneqarnerat pilersaarusionneqassaaq sullivinni avatangiisinut tunngasut peqataasunit tamakkiisumik paasineqartussanngorlugit makku atuartitsissutiginerisut

1. suleqatigiinnermut tunngaviit, akunniliulluni sullissineq aamma perorsaajutigaluni ilinniartitsinikkut sunniiniutit sullivinni avatangiisit pillugit suliaqarnermi atorneqarsinnaasut,
2. Kalaallit Nunaanni sullivinni isumannaallisaanermik peqqinnissamillu suliaqarnermi suleqatigiinneq pillugu nalunaarummi aamma Kalaallit Nunaanni sanatitsisut pisussaaffii pillugit nalunaarummi malittarisassat malillugit sullivinni suliassat suliaqarfiillu,
3. sullivinni avatangiisinik susassallit sulinerat aamma peqataasut sullivinni avatangiisinik susassalinnut allanut attuumassutaat, Sullivinnik Nakkutilliisoqarfik assigisaallu ilanngullugit eqqarsaatigalugit,
4. sullivimmi periaatsit sullivinni avatangiisit pillugit peqatigiiffiup peqataaffigisaat tassungalu atatillugu suleqatigiinneq,
5. sullivinni avatangiisit pillugit pinaveersaartitsinerup pilersaarusionneqartarnera piviusunngortinneqartarneralu,
6. periaatsit pinaveersaartitsinermi atorneqarsinnaasut, matumani ilanngullugit sullivinni avatangiisinik misissuisarnerit, nakkutilliinermi allattuisarnerit atortullu tamakkununga assingusut sullivinni avatangiisitigut ajornartorsiutit paasiniarnissaannut atorneqarsinnaasut, sullivinni avatangiisitigut ajornartorsiutinik malussarniutit ilanngunnissaat, sullivinnik naliliinissanut atortussiorneq, kiisalu sullivinni avatangiisitigut tarnip pissusaannut iliuusissatut periarfissataamma
7. ajutoornernut, ajutoorfiit eqqaaniinnernut aamma peqqinnissakkut ulorianaatinut atatillugu sullivinni avatangiisit pillugit peqatigiiffiup suliassat.

Illuliortiternermi sanaartormilulu sulisorisat isumannaatsuunissaannik peqqissuunissaannillu sulianut ataqatigiissaarisut sullivinni avatangiisit pillugit ilinniartitaanerat

§ 6. Illuliortiternermi sanaartormilulu sulisorisat isumannaatsuunissaannik peqqissuunissaannillu sulianut ataqatigiissaarisutut sullivinni avatangiisit pillugit ilinniartitaanermi siunertarineqarpoq illuliortiternermi sanaartormilulu pinaveersaartitsinermik suliaqarnerup nukittorsarneqarnissaa. Isumannaatsuunissap peqqissuunissallu suliassartaat isumagisinnaaqullugit periaatsinik sullivinnilu avatangiisit pillugit ilisimasassanik pisarialinnik ataqatigiissaarisut ilisimasaqalernissaat qulakkiissallugu. Aaqqissuussamik periaaseqarluni sullivinni avatangiisit pillugit suleqatigiilernissamut ilinniartitaaneq sunniuteqaqataassaaq.

§ 7. Illuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiissaarisutut sullivinni avatangiisit pillugit ilinniartitaanerup imarisaa pilersaarusioneqassaaq peqataasut makkunatigut atuartinneqartussanngorlugit

1. suleqatigiinnermut tunngaviit, akunniliulluni sullissineq aamma perorsaajutigaluni ilinniartitsinikkut sunniiniutit kiisalu sanaartornermi susassaqtut sunnernessaat, matumani ilanngullugit sulisorisat aamma sulisunut siulersuisut sullivinni avatangiisinut iluaqutaasussamik,
2. sanatitsisup pisussaaffii pillugit nalunaarummi malittarisassat malillugit, pilersaarusiortut siunnersuisullu pisussaaffii suliassaalu,
3. sullivinni avatangiisinut tunngasunut susassallit kiisalu ataqatigiissaarisup aamma isumannaallisaaqatigiit sullivinni avatangiisit pillugit susassaqtunut allanut attuumassutaat, Sullivinnik Nakkutilliisoqarfik assigisaalu ilanngullugit eqqarsaatigalugit,
4. illuliortiterfinni sanaartorfinnilu aqqissuussat ataqatigiissaarisup peqataaffigisai, matumani ilanngullugit isumannaallisaaneq pillugu ataatsimiinnerit aamma isumannaallisaaneq pillugu siunnersuisoqatigiit siulersornissaannut ingerlannissaannullu tunngavissat periaasissallu,
5. isumannaatsuunissaq peqqissuunissarlu pillugit pilersaarusioneq, malinnaaneq pilersaarutinillu piviusunngortitsineq,
6. ataatsimut susassaqarfinni kingunissalimmik pilersaarusioneq aamma pinaveersaartitsinermik suliassap ingerlanneqarnissaa,
7. periaatsit pinaveersaartitsinermi atorneqarsinnaasut, matumani ilanngullugit sullivinni avatangiisinik misissuisarnerit, nakkutilliinermi allattuisarnerit atortullu tamakkununnga assingusut sullivinni avatangiisitigut ajornartorsiutit paasiniarnissaannut atorneqarsinnaasut, sullivinni avatangiisitigut ajornartorsiutinik malussarniutit ilanngunnissaat, sullivinnik naliliinissanut atortussiorneq, kiisalu sullivinni avatangiisitigut tarnip pissusaannut iliuousissatut periarfissataamma
8. Sullivinni avatangiisit pillugit aqutsineq sanaartortoqarneranut atatillugu aamma
9. ajutoornernut, ajutoorfiit eqqaaniinnernut aamma peqqinnissakkut ulorianaatinut atatillugu ataqatigiissaarisup suliassai.

Kapitali 4 – Sullivinni avatangiisit pillugit ilinniartitaanernut piumasaqaatit ataatsimoorussat

Sivisussia oqaatsillu

§ 8. Sullivinni avatangiisit pillugit ilinniartitaanerit sivikinnerpaamik 37 tiiminik sivisussuseqassapput, ilanngullugit unillatsiartarnerit nerisarnerillu minnerpaamik ullunut sisamanut agguagassat.

§ 9. Atuartitsineq, nalunaarut manna malillugu ingerlanneqartussaq kalaallisut danskisullu ingerlanneqassasoq neqeroorutigineqassaaq. Aammattaaq avatangiisit pillugit atuartitsinermi atortut allaganngortitat oqaatsinut marlunnut allanneqarsimasuussapput.

Imm. 2. Illuliortiterfinni sanaartorfinnilu isumannaatsuunissamut peqqissuunissamullu ataqatigiissaarisut sullivinni avatangiisit pillugit ilinniartitaaneranni atuartitsineq, imm. 1 apeqqutaatinagu kalaallisut danskisulluunniit neqeroorutigineqassaaq. Aamma illuliortiterfinni sanaartorfinnilu isumannaatsuunissamut peqqissuunissamullu ataqatigiissaarisut sullivinni avatangiisit pillugit ilinniartitaaneranni allattariarsornermi atortut danskisut kalaallisulluunniit pigineqassapput.

§ 10. Avatangiisit pillugit ilinniartitaanerit ingerlaavartumik malitseqartitsinermik tapertaqartinneqarsinnaavoq.

Perorsaanikkut tunngaviit

§ 11. Avatangiisit pillugit ilinniartitaanerit pilersaarusioneqassapput perorsaanikkut tunngaviit makkuninnga imaqartillugit:

1. Peqataasut sullivinni avatangiisit pillugit peqatigiiffimmi ilaasortatut imaluunniit illuliortiternermi sanaartornermilu ataqatigiissaarisutut isumagisassaasut tunngavigalugit peqataasut suliffimminni pisinnaasaasut, ilisimasaasut misilittagaallu isiginiarlugit atuartitsineq assigiinngiaartinneqassaaq.
2. Suliffigisami sullivinni avatangiisit pillugit suliassat ingerlannissaannut periaatsit peqataasut ilinniassavaat. Suliassat sullivinni ataatsiakkaani ingerlanneqartartut salliutillugit sungiusaatigineqassapput.

Atuartitsineq imaalillugu aaqquissuunneqassaaq pilersaarusioneqassallunilu,

a) peqataasut pimoorussamik suleqataatillugit,

b) sullivinni avatangiisit pillugit suliassat aaqquiviginissaannut misilittakkat peqataasut akornanni paarlaateqatigiissinnaatillugit,

c) peqataasut suliassattarlugit ajornartorsiutinillu aaqquissuteqarniartittarlugit aamma

d) atuagarsorneq sungiusaatinillu suliaqartarneq nikittaattarlugit.

Sullivinni avatangiisit pillugit ilinniartitaanerit pilersaarusionissaat

§ 12. Ilinniartitaanerit najuulluni atuartitsinertut pilersaarusiugaassapput.

§ 13. Ilinniartitaanerit ilivitsutut ingerlanneqassapput.

§ 14. Ilinniartitaanerit atuaqatigiikkuutaat amerlanerpaamik 20-kkaarlugit pikkorissarnertut ingerlanneqassapput. Atuaqatigiit ataatsimoortut ilinniartitaaneq aallartittassavaat naammassisassallugulu.

Imm. 2. Ilinniartitaanerup immikkoortui kingullit peqataasut ataatsip immikkut akuerineqarnermigut atuaqatigiinni allani ingerlassinnaasariaqassavai.

§ 15. Atuartitsinertut inini atuartitsivittut piukkunnartuni perorsaanikkut pisarialinnik teknikkikkullu atortulersugaasuni ingerlanneqassapput, qarasaasiat printeritallit internetsimullu attavilikkat atortunut ilaatillugit.

Imm. 2. Sullivinni avatangiisinut inatsit pillugu mappersakkat naleqquttut, Sullivinni Nakkutilliisoqarfiup ilitsersuutai assigisaalu peqataasunut ammatinneqassapput.

§ 16. Sullivinni avatangiisit pillugit ilinniartitaanerit naammassineqarsimanerat pillugu uppernarsaammik ilinniartitaanermik ingerlatsisut peqataasunut tamanut tunniussissapput.

Atuartitsisut

§ 17. Sullivinni avatangiisit pillugit ilinniartitaanerit atuartitsisoq ilinniakkamigut aamma sullivinni avatangiisinut tunngasutigut makkuninnga piukkunnaateqassaaq:

Ulluni qulingiluanu atuartitsisutut pikkorissarsimassaaq.

Sullivinni avatangiisit pillugit ilinniartitaanermik allamilluunniit tassunga assingusumik ilinniartitaanermik naammassinnissimassaaq.

Sullivinni avatangiisit pillugit suliaqarnermik peqataasimanermik imaluummiit suliamik tassunga assingusumik misilittagaqassaaq.

Ikinneerpaamik 120 tiiminut naapertuuttumik perorsaaneq pillugu ilinniartitaanermik naammassinnissimassaaq.

Tassunga assingusumik atuartitsinermik misilittagaqassaaq.

§ 18. Sullivinnik Nakkutilliisoqarfik atuartitsisut pikkorissarneqarnissaannik sulissuteqassaaq, tak. § 17, imm. 1, nr. 1.

Naliliineq

§ 19. Peqataasimasut atuartitsisuusimasullu naliliineri tunngavigalugit sullivinni avatangiisit pillugit ilinniartitaanerit ukiumut ataasiarluni naliliiffigineqartassapput.

Imm. 2. Kalaallit Nunaanni Sullivinni Avatangiisit pillugit Siunnersuisoqatigiit ukiumoortumik naliliisimaneq pillugu ilisimatinneqartassapput.

Kapitali 5 – Illuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiisarisutut sullivinni avatangiisit pillugit ilinniartitsinissamik neqeroorutillit akuersissutigineqartarnerat

§ 20. Illuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiisarisutut sullivinni avatangiisit pillugit ilinniartitsinissamik neqeroorutillit

akuerineqarnissaannut, neqerooruteqartup §§ 6-17-ini piumasaqaatinik naammassinnissimanissaa piumasaqaataavoq.

Imm. 2. §§ 6 – 17-ini piumasaqaatit naammassineqarsimanngippata akuersissutaareersoq Sullivinnik Nakkutilliisoqarfiup uterteqqusinnaavaa.

§ 21. Neqerooruteqartutut akuerisaasut naliliinermut peqataassapput, tak. § 19, aamma

1. ingerlaavartumik isumagissallugu pikkorissartitsinerit tamarmik peqataasunit naliliiffigineqarsimanissaat aamma
2. pikkorissaanissatut neqeroorutit aamma peqataasut amerlassusii pillugit ukiumoortumik takussutissiussallutik.

§ 22. Illulioriternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiissaarisutut sullivinni avatangiisit pillugit ilinniartitsinissamik neqeroorutillittut akuerineqarnissamik qinnuteqaatit Sullivinnik Nakkutilliisoqarfimmut nassiunneqassapput.

Imm. 2. Qinnuteqaammut ilanngunneqassapput ilinniartitsinissamut pilersaarutit, tak. §§ 6 - 15 aamma atuartitsisut piukkunnaataat pillugit uppersaatit, tak. § 17.

Imm. 3. Qinnuteqaateqartup aammattaaq paasissutissiissutigissavai sullivinni avatangiisit pillugit ilinniartitaanerit aqqissuunneqarnissaat, matumani ilanngullugit suliffeqarfimmi ilinniartitaanermut akisussaasup aqqa atorfialu.

Kapitali 6 – Sullivinni avatangiisit pillugit sinniisuutit aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartitaanernut peqataanerannut akiliut

§ 23. Sullivinni avatangiisit pillugit peqatigiiffimmi sinniisuutit aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartitaanerit ingerlannerannut aningaasartuutit ilaasa matussusernissaannut peqataasut sulisitsisui akiliummik Sullivinnik Nakkutilliisoqarfiup akiliuteqaqqussavai.

Akiliutip matussusissavai Sullivinnik Nakkutilliisoqarfiup aningaasartuutaasa ilai tapiissutinit matussusigaangitsut, tak. § 25.

Akiliut annertussusilerneqassaaq siunissamut ungasinnerusumut aningaasartuutit agguaqatigiissinnerat tunngavigalugu.

Imm. 2. Ukiumi aningaasaliiffiusumi aningaasanut inatsimmi akit akissarsiallu tamanut atuuttut qaffariaataat malillugu akiliut ukiumoortumik iluarsivigineqartassaaq. Akiæliutip annertussusaa Sullivinnik Nakkutilliisoqarfiup nittartagaani takuneqarsinnaassaaq.

§ 24. Pisuni ataasiakkaani immikkut pisoqartillugu nalunaarummi matumani aalajangersakkat saneqqunneqarnissaat Sullivinnik Nakkutilliisoqarfiup pisortaata akuerisinnaavaa.

Imm. 2. Illuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiissaarisutut sullivinni avatangiisit pillugit ilinniartitsinissamik neqeroorutilinnik akuerisanik soqanngippat, ilinniartitaaneq sullivimmi avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartitaanerannik taaserneqassasoq Sullivinnik Nakkutilliisoqarfiup pisortaata akuerisinnaavaa.

Kapitali 7 – Tapiissutit

§ 25. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit peqatigiiffimmi ilaasortaasut sullivinni avatangiisit pillugit ilinniartitaaneranni aningaasartuutit ilaasa matussusernissaannut ukiumoortumik aningaasanut inatsimmi immikkut aningaasaliinikkut Sullivinnik Nakkutilliisoqarfiup tapiiffigisinnaavai.

Ilinniartitaanerit ineriartortinnerat allaffiisuutiginerallu tapiissutinit akilerneqassaaq, matumani ilanngullugit ilinniartitaanerit ingerlanneqarnissaat aamma atuartitsisut akissarsiaat angalanernullu aningaasartuutit.

Kapitali 8 – Naammagittaalliorneq, inatsisip atuutilersinnera, ikaarsaariarnermut aalajangersakkat il.il.

§ 26. Nalunaarut manna malillugu Sullivinnik Nakkutilliisoqarfiup aalajangiineri Kalaallit Nunaanni sullivinni avatangiisit pillugit inatsimmi § 64 malillugu naammagittaalliuutigineqarsinnaapput.

§ 27. Nalunaarut manna atuutilersinneqarpoq ulloq 1. Juli 2023

Imm. 2. Kalaallit Nunaanni sulisilluni avatangiisinik ilinniartitaanerit tamanit peqataaffigisassat pillugit nalunaarut nr. 914, 26. juni 2013-imeersoq atorunnaarsinneqarpoq.

Imm. 3. Neqeroorutillit, Sullivinnik Nakkutilliisoqarfiup 1. juli 2023 nallertinnagu akuerisimasai, illuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiissaarisutut sullivinni avatangiisit pillugit ilinniartitsinissaq pillugu nalunaarutaat una malillugu ilinniartitsinissamut pilersaarutit pineqartut immikkut ittumik akuersissutigiteqqartinnagit, neqerooruteqarsinnaapput. Neqeroorutillit pineqartut, illuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiissaarisutut sullivinni avatangiisit pillugit

ilinniartitsinissamik suli kissaateqarpata, piffissaq akuersissuteqarfiat qaangiukkaaangat akuerineqaqqeqqaartassapput

Sullivinnik Nakkutilliisoqarfik, ulloq 14. juni 2023.

Sine Frederiksen/Sofie Bisbjerg